

5 февраля 2026.

Сщмч. Климент Анкирский, и мч. Агафáнгел Римлянин

Вечерня (приходская)

Стихиры на «Господи, воззвах»

Канонарх: Глас 1, Господи, воззвах к Тебѣ, услыши мя.

Лик: Господи, воззвах к Тебѣ, услыши мя./ Услыши мя, Господи./ Господи, воззвах к Тебѣ, услыши мя:/ вонми гла-су молѣния моего,/ внигда воззвати ми к Тебѣ.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ жертва вечерняя. // Услыши мя, Господи.

сщмч. Климента, Анкирского и мч. Агафáнгела на 3

На 6, стих: Аще беззакония назириши, Господи, Господи, кто постоит? / Яко у Тебѣ очищение есть.

Пребыв в вере, якоже в винограде Христо́ве,/ во время приял еси делание болезней,/ мучениче, многообразно,/ темже плод спасения израстил еси,/ царю тезоименитно и делателю,// священномучениче Клименте сла́вне.

Стих: Имене ради Твоего потерпех Тя, Господи, потерпѣ душа моя в слово Твое, /

упова́ душа моя на Господа.

Четверосугубна седмица твоя мучения, мудре,/ честна явися воистинну и Богу, и Ангелом, и всем человеком,/ ог-

5 февраля 2026. Сщмч. Клімент Анкирскій, и мч. Агафáнгел Римлянин

ня́ ўбо го́рькаго, и сечéния, и рáны мно́гия,/ гра́ды обходя́
и страны́, искúс приéм, // не отступíл есі́ любвѣ Христóвы.

На 4, стих: От стра́жи ўтренния до но́щи, от стра́жи ўтренния, /
да упова́ет Изра́иль на Го́спода.

Па́стырски просия́в, священномúчениче Христóв,/ стра-
дáльческа́я по́двиги подъя́л есі́ до́блественне:/ еди́н чрез
обо́я венéц приéм,/ во обо́их украша́емь,/ священстве и бо-
лэ́знях страдáльческих. // Те́мже моли́ спастíся нам.

Ин стихиры сщмч. Клімента, Анкірскаго и мч. Агафáнгела на 3, глас 2

Глас 2. Стих: Я́ко у Го́спода мило́сть, и мно́гое у Него́ избавлéние, /
и То́й изба́вит Изра́иля от всѣх беззакóний его́.

Лозá виногра́да живóтнаго яв́ился есі́,/ та́инственным
дѣланием окопова́ема,/ болéзнями ўбо по́стничества, о́т-
че, посека́ема,/ мечéм же объéмлема мучéния,/ вино́ уми-
лэ́ния нам растворíл есі́,/ íмже ны́не насыща́емь вси, //
вѣрою всеевящéнную па́мять твою́ прáзднуем, блаже́нне.

На 2, стих: Хвалíte Го́спода всí язы́цы, /
похвалíte Его́ всí лю́дие.

Егда́ священнодéйствовал есі́/ Стра́шную, и Соверше́н-
нейшую Жéртву, и Преми́рную,/ тогда́ принéслся есі́, свя-
щеннодéйствуемь,/ твою́ же кровь, всему́дре,/ пре-
усердным сэрдцем крóви примесíл есі́ Влады́ки твоего́,/
éюже ты окропля́емь, блаже́нне,/ весь чист показáлся
есí, // весь священнейший, Богоглаго́ливе.

Стих: Я́ко утверд́ися мило́сть Его́ на нас, /
и íстина Господ́ня пребывáет во вѣк.

5 февраля 2026. Сщмч. Клімент Анкирский, и мч. Агафангел Римлянин

Жря А́гнца Бо́жия,/ грехи́ ми́ра очища́ющаго/ и тлю и
смерть истреби́вшаго,/ я́ко овча́ непоро́чно, пожёрлся еси́,
Богомúдре,/ срáслен быв подо́бием, блаже́нне, Живонóс-
ная смёрти.// Ны́не же Егó Цáрствия, досто́блаже́нне, по-
лучи́л еси́.

Сла́ва, глас 8:

Слава Отцу́, и Сы́ну, и Свято́му Ду́ху.

Време́н четвери́щно обхо́д, Богозва́нне,/ седмоусугу́бил
еси́, би́емь, стру́жемь,/ изменя́я гра́ды и страны́, распи-
на́емь за Христа́,/ но ниже́ огонь, ниже́ меч, ниже́ ра́ны/ души́
твоея́ разреши́ша твёрдость,/ погуби́л же еси́ де́монов кре́-
пость,/ священномучени́че Кліменте./ Тем моли́ся
Христу́ // спасти́ся душа́м на́шим.

И ны́не, глас 8:

и ны́не, и прісно, и во ве́ки веко́в. Ами́нь.

Аз, Де́во Свята́я Богоро́дице, / к Покро́ву Твоему́ прибе-
гаю, / вем, я́ко обря́щу Тобо́ю спасе́ние, // мо́жеши бо,
Чи́стая, помощи́ мне.

Стихиры на стиховне

Октоих, глас 1, четверг

Канонарх: Глас 1, Апóстольская всесли́чная цевни́ца.

Апóстольская всесли́чная цевни́ца, / Святы́м Ду́хом
двѣжима,/ ме́рзкия бесо́в же́ртвы упраздни́ла е́сть,/ и еди́-
наго Го́спода пропове́давши,/ язы́ки изба́ви от прелести
и́дольския, // и поклоня́тися научи́ Трои́це Еди́носущней.

5 февраля 2026. Сщмч. Клімент Анкирский, и мч. Агафангел Римлянин

Стих: К Тебѣ возведѡх ѡчи мой живущему на небесѣ, сѣ яко ѡчи рабъ в руку господий своихъ, яко ѡчи рабыни в руку госпожи своея, тако ѡчи наши ко Господу Бѡгу нашему. /

Лик: дѡндеже ущѣдрит ны.

Петра и Павла согласно похвалим, / Луку, Матфея, Марка, Иоанна, Андрея, Фому, Варфоломея, / Симона Кананита, Иакова и Филиппа, // и весь лик ученический достойно да восхвалим.

Стих: Помилуй нас, Господи, помилуй нас, яко по многу исполнихомся унижения: наипаче наполни душа наша поношения гобзующих. /

Лик: и унижения гордых.

Прехвальнии мученицы, вас ни земля потайла есть, но небо прият вы, и отверзѡшася вам райския двери, и внутрь бывше, древа животнаго наслаждаетесь, Христови молитесь, даровати душам нашим мир и велию милость.

Слава, глас 1:

Слава Отцу, и Сыну, и Святому Духу.

Чуднаго во священницах мученика Климента / в долгом времени искушение мук / в прѣсно благих получитьи сподѡби сладости и богатства Божественнаго, / многия к подвигом помазав своим подобием / и покорив плоть выше мудрствовати смерти. / К немуже, вернии, возопиим: / великомучениче славне, / ко Христу молитвами твоими / летная настояния разреши страстей наших // и избави от лютых молитвами твоими.

И ныне, глас 1:

5 февраля 2026. Сщмч. Клімент Анкирский, и мч. Агафангел Римлянин

и ныне, и присно, и во веки веков. Аминь.

Радуйся, радости прадедов, / апостолов и мучеников веселие, // и покров нас, Дево, Твоих рабов.

Тропари

Тропарь сщмч. Климента, Анкирского и мч. Агафангела Римлянина, глас 4.

Лоза преподобства и стебель страдальчества, / цвет священнейший и плод Богоданный, / верным, всесвященне, присноцветущ, даровался еси, / но яко мучеников сострадалец / и священноначальников сопрестольник, / моли Христа Бога // спастися душам нашим.

Слава Отцу и Сыну и Святому Духу, и ныне и присно и во веки веков. Аминь.

Глас 4: Слово Отчее, Христа Бога нашего, / от Тебе воплотившагося, познахом, Богородице Дево, / едина Чистая, / едина Благословенная. // Тем непрестанно Тя, воспевающе, величаем.